

РУСКИ НОВИНИ

ЗА РУСИНОХ У КРАЛЪОВИНИ СХС

Рок IV.

Нови Сад, штварток 28. јули 1927.

Ч. 29 (136)

Виходза раз у тижню.

Цена на цали рок 100 Динари.

На 1/2 рока 50 Динари.

За Америку 4 долари на рок

Рукописи и други писма треба
посилац на адресу:

„РУСКИ НОВИНИ“ НОВИ САД
Бојовићева улица број 2.

Претплату на РУСКЕ-НАРОДНЕ
ПРОСВИТНЕ ДРУЖСТВО, РУСКИ
КРСТУР (Бачка).

Зос драги до Велеграду

Того року отримаю ше на Велеграду у Моравскей вельки торжества ва чесц св. Кирила и Методія. Приходза там зос шицких странах славянски народи, да подзекую Господу за дар святих вири, котру достали по проповіданю св. Кирила и Методія. Баш у тот час, кед Бог поволал св. Кирила и Методія, да прошвица з науку святих вири славянски народи, приправлял у Цариграду наемник Фотій одорванє церкви Христовеј на Востоку од Римскога Престола. До Фотіја започал у 9. столітју, то докончел Керуларій у 11 столітју. Вони одорвали вирних християнох на Востоку од Церкви Христовеј, розорвали и поростарговали „нешиту шмату Христову“. Як святи оци волаю Церкву Христову. — Греческа церква поцагла за собу вельки славянски народи до того роздору. — Украинцох, Русох, Сербох, Болгарох и Румуньох. И вони до нешка жию одорвани од Скали Петровей, на котрей Христос Господь збудовал свою Церкву.

По волі и одредзеню Божим Церква Христова муши буц лем една, так як „цо еден Бог, една вира, едно крещенє“. Ми то вериме и исповидуєме кажди дзень, кед молиме у Вируї „во єдину, святую, соборную и апостолскую Церкву“.

Да ше посцигне тото єдинство святих Церкви, сходза ше учени людзе з цалого швета кажди треци рок гу гробу святиго Методія, да ше там посовитую и догваря, цо, и як треба робиц, да чим скорей придзе до того, да будзе на цалим шведе, „єдно стадо и єдин пастир“. —

И того ювильного року за шицких Славянох пово-

лал Апостолат св. Кирила и Методія у Моравскей учених людзох зос шицко-го швета, да приду на гроб св. Методія, да приду там, дзе започали свою роботу св. Кирил и Методий, кед их Бог послал медзи поганских Славянох, па да ше там шицки ведно модля, догваряю, совитую у тим вельким ділу.

И наш владика пошел ведно зос списателюм тих шорох до Велеграду з другима, котри там ишли зос Хорватскей, Далмаци, Риму и других крайох.

По чешким путованю сцигли зме 19. јула рано на 8 годзини до главного места Словакох, — Братислави. — Ту зме распатрели найважнейши словацки институциї. Видзели сме стародавни красни церкви, и други будови. Нашивели зме редактора дневника „Словак“. Вон нам указал модерно ушорену палату, у котрей ше находзи их друкарня. У теј друкарні друкую ше кажди дзень новини „Словак“ за католицких Словакох у 6000 примирних, а за недзелю и за швета у 10.000. — Крем „Словака“ ту ше друкую и други новини за интеллигенцию и вшеліяки организацїи, котрих Словаци маю вельо и барз добре су ушорени. Католицки Словаци лем недавно почали жиц своїм самостойним животом, а уж маю превелі и прекрасни организацїи за свой убоги народ. Вони у тим уж пресцигли и други векши народи. Так на приклад: вони збудовали красну палату за своїх университетских школярох. У тим доме шицко провадзи священник др. Филкори. Вон нам ростолковал, як до того дому пришло. Тот дом будую добровольни дари пожертвовних като-

лицких братох Словакох з Америки и оталь. Уж прешлого року мали у тим дому пребиванє и кост 50 университетских школяре за 400 ч. коруни на мешац. Тераз ше тот дом далєй розширює так, же у нїм будзе места за 150 школярох. Тото шицко робя пожертвовни дари худобного Словацкого народу. Директор институту є попри другей работи и редактор єдней католицкей мешачней малей новинки за организовани католицки Словацки жени. Тота новинка уж тераз виходзи у 40.000 примирних. Наисце красни успех такого малого народу. Тоти жени и робя так, же ше на нїх можу упатриц и жени зос других

славянских народох. Таки народ може ше бизовно наздавац красней будучности.

Учме ше и ми од католицких Словакох, як и нам потребно робиц, да будземе шицки zorganizовани у нашим „Руским просвитним друштву“. Кажди Русин и Рускиня най ше стараю о тим, же би и нашо школяре и векши и меньши цо скорей мали таки католицки дом, у котрим би було постарано за их вихованє у християнским и народним духу.

Най Господ по одвитованю св. Кирила и Методія припоможе, да то скорей и будзе. —

О. Димитрій Надь,
каноник.

У нашом отечеству

Политическе положение

Ль. Давидович тримал бешеду у Београду и Скопљу и нападнул владу, же ше служи насилієм при виберанкох, бо демократи баш прето и ступели до власти, же би виберанки були шлєбодни. Чекало ше, цо на то поведза демократски министрове, бо кед би ше вони не соглашели зос Давидовичем, теди би ше мушела подзеліц партија. Медзитим министер В. Маринкович виявел, же у нїх нет нїякого несогласія и так будзе як одредзи главни одбор. Кед Вукичевич не попусти у шицким Давидовичеј партиї, теди уж и пред виберанку могло би прийсц до вельких пременкох.

Партийна агитация

Прешлей недзели отримало ше вецей политических зборох, од котрих найважнейши Люби Давидо-

вича у Скопљу. Прибичевич отримал збор у Бањалуки а Радич у Лици.

Пастерово шпиталі у нас

Велька благодат у нас су пастерово шпиталі за тих цо их укуши збешнети пес або мачка. Скорей велі настрадали бо их лічели койяки баби врачарки, а тераз случай смрти ридки. У нашеј держави таки шпиталі у Новим Саду, Београду, Нишу, Сараєву, Загребу и Целю. Найвекши ест у Новим Саду, до котрого ше прїяви рочне до 2500 особи.

Діло шаленого катони

Тих дньох звершел военску длужносц катона Д. Алиголич зос Херцеговини и ишол дому. Драгов пришло му цошка до глави, вошол до вагону I. класи и з ножом навалєл на путних. Воз застановени и

шалного катону одвели до шпиталу ведно зос тима, котрих вон покалічел.

Дробни паперови пенез

Министерія Финансийох видала наредзене, же ше до 30 септембра муши заменіц паперови дробни пенез по 25 пари, $\frac{1}{2}$ динара и динар зос металним пенезом.

Церковна слава на Текіох

Дня 5 августа отрима ше по звичаю на Текіох при Петроварадину у храму преч. Богородици велька слава. Теди побожни катол. швет зос цалей нашей держави приходзи там на отпусти. И нашого народу там вше у шумним числу, па ше наздаваме, же призде и того року.

Газдовска вистава у Осеку

Од 8 до 18 септембра отрима ше у Осеку велька газдовска вистава. Учасници буду мац пол карти на железници. Препоручуеме нашим читателюм, най опатра тоту занимліву виставу.

Глад у Чарней Гори

Велька суша уніштела у Чарней гори шицко растеніе так, же остала гола жем и камень. Велі фаме-

лиї попредали и свой статок, да не загине без води а велі ше селя до других крайох. Народ зос страхом патри на свою будучносц, бо вельки глади настаню у цалей покраїни.

Кед жени приповедаю

При Осеку шедзели два жени на кочу и так себе приповедали, же не видзели, же пришли до железничких шинох, у тот час налещел гайзибан и залапел задню часц коча. Коні ше поплашели и з предніма колесами сцекли. Жени на щесце одручени до ярку, легко ранети але остали на живоце.

Побунели ше цигане

При Сушаку жили у миру и любви штири цигански фамилиї. Медзитим гу нїм ше приселели якиш странски цигане и домашні цигане ше завадзели на ножи. По длугих звадох пришли гу себе и увидзели, же лем тоти странски цигане причином, же ше вони повадзели медзу собу и станули на нїх, да их виженю з помедзи себе. Але цигане уж сцекли. Гледали их у Сушаку у едней кафани, и кед их не нашли цалу кафану порозбивали. Полиція заварла шицких циганох, котри ту пришли з мотиками, шекерами и косами. Гевтих циганох, цо сцекли, не нашли.

себе записал на папер. На першим месце еден млади челедник, мали званичник, длуго роздумовал, чи би видац биване. Радзел ше зос жену, котра му радзела най роби, як сце. Барз бул бешедліви, па сом го почал випитовац о його материалних обставинох и вообще о газдованю у тим краю. Према його рахунку, жем ту кошта едно ютро 6 еври Динари, на котрим родзи 6 до 8 метери жита, а ест жеми, котра кошта и 20 еври Динари по ютру (вельки гольт.) Дакле скоро е драгша як у нас.

Но ест жеми — гварел ми — и за 3 и за 2 еври Динари и за езер Динари. Але така жем не вредзи нїч. Сами писок и подводне. Же ю наш земледілец оре, то роби лем зато, же себе незна розраховац, цо го кошта труд, котри уложу до обрабяня такей жеми. Кед би знал себе то розраховац, видзел би, же му жем не видава тельо,

Поволанка

На видомосц давам шицким членом РНПД-а, же ше тогорочна

IX. главна схадзка Руского Нар. Просвитного Дружтва

отрима 20./VIII. (авг.) т. р. у Шиду (дзень по Преображеню) рано на 9 годзин.

Зос слїдуюцима предметами:

1. Отворене гл. схадзки;
2. Преподаване;
3. Дїйствоване РНПД-а у р. 1927.;
4. Рахунки РНПД-а;
5. Одредзене гл. схадзки на идуци рок;
6. Предложеня.

Напоминам, же предложеня по дружтвених правилех маю буц 8 дні скорей явени подписаному (до Коцура).

Браца Русини! Поме най участвуе у будованю нашей Русней Просвити. Браца Сримци, а особено шидянци з розширенима руками и цеплим братским шерцом нас чекаю. Поволуеме и нечленох як госцох. До побаченя!

Руске Нар. Просвитне Дружтво

Д. Биндас,
подпредседатель.

ШИРОМ ШВЕТА

Трешене жеми у Палестини повторюе ше.

По дотеразнійх вистох зос Палестини трешене жеми ище вше не престава, але ше повторюе гоч и у меньших розмирох. До тераз ше рахуе 500 забитих особох а 3000 ранетих. Коло 600 вельки зданія у Еру-

салиму цалком звалени, материјална чкода ше рахуе на 860.000 златних штерлинги,

Умар румуньски краль Фердинанд

Румуньски краль Фердинанд, котри уж длуго хоровал, тих дньох умар и поховани зос вельким торжеством. Його би мал наследзиц найстарши син

Бачку и тим крайом, котри иньшак тиж не худобни, бо ест у нїм шицкого, цо людзом треба, але барз вельо ест писковитей и и подводней жеми, так же ше людзом добрей не може по вельо уйсц. Ище ту важне газдоване зос статком, котри барз красни (бо шена полно ест), а и драги.

Гледал сом биване на другим означеним ми месце. Там заш була пані сама дома и не могла знац набизовно, чи вида биване, бо ше ище муши порадиц з мужем.

Совитовала ми тиж едно место, а я ю послушал и натапал сом на одну карчму. Качмар бул добре подшмелени. У карчми нї живеј души.

Увед ме до карчми сушедни байбер, котри ме радзел, же ту бива извисни М.

— З ким мам чесц бешедовац — питал ше качмар поважно, як уж доликуе у таким состоянню.

Требало ше дакле ище

кельо вон праці до ней уложел. Чкода тоту працу. Лепше ю було индзей уложиц.

Иньшак сом после и сам видзел як ту ест вельо подводней жеми, котру би мож було хасновац, кед би ше ушорела канализация (бегель). Но барз вельо ест писковитей жеми и то на сиверу валала спрам Драви (Драва далеко 10 километри од места) и ту озда вообще нет помощи: бо як ше человек ментуе силного писку котрого тадзи ест брегами.

На южней страни валала писку нет у польох и поля там барз родни. Зато ту ище ест друга неволя за земледілох. Правого газдовства (як у Бачкеј) скоро ані не найдзече. Найвекши газдове маю по 20 ютра жеми.

Дабоме же ше вец не може почац праве газдоване; нет виношованя, нет видумованя, нет роскоши, а у тим и розлика медзи-

Карол, але понеже вон мушел задзековац то власц прейдзе на малого тророчного сина Карольовога. Док вон вирошне зос жему будзе управляц окреми одбор, у котрим су румуньски патріярх, председатель верховного суда и княз Никола младши брат Карольов.

Вельке железниче нещесце

У немецких горох Харц догодзело ше вельке нещесце, при котрим велі людзе настрадали. Пре дижджи и бурі погубели ше насипи под железничим шиннами и цали гайзибан ше звалел до едней препасти. И ту здгинуло 9 особи и 22 чежко ранети. Чудним способом остал цали еден вагон, у котрим було вецей як 200 дзеци, цо ишли на вакації.

Конгрес за соединіне Церквох

Од 20 до 24 юла отримал ше на Велеграду конгрес ученькох да побешедуе о соединенію Церквох. Владикове, священіци и найученши людзе зос цалеї Европи собрали ше на гробу св. Меодія, да у молитви и у преподаваніюх препровадза штпирн дїї. Нашо владичество на конгресу заступув преосвящені Владика Діонізій и о. каноник Д. Надь.

Бела Кун у Бейчу

Познати комунист и жид Бела Кун находзи ше у Бейчу и гваря, же вон сам зос своіма пріятелими организовал цалу революцію. Недавно новини писали за нього, же умар у шпиталю за шалених а тераз ше дознава, же то у Русіи пре-

глашели лем прето. да ше ніхто не здогада. кадзи Бела Кун пошол.

Женска полиція

Медзинародни часопис Червеного креста приношуе податки о женскеї полиції. Так у Англії запровадзено женску полицію уж 1914 року у Немецкеї ест 35 вароши, у котрих жени полицасе. У Канади 5 вароши маю тиж женску полицію, а у Америцких Зединених державох 145 вароши. Исто так жени окончуо полиційску службу у Прагу, у Польскеї, Холандії, Швайцарскеї. Тих дньох надумала и Француска да запровадзи женску полицію.

Тристо громи

У малии малярским валале Ракамац за пол години вдерели тристо громи. През пол години цали валал бул ошвицени. Жителе посцекали по польох, бо ше бали, да шицки не згоря. Чкоди було мало, бо лем цо даскельо хижі пострадали, але сушески валали цалком згорели.

Евхаристийски конгрес

Як цо прешлого року бул вельки медзинародни свхаристийски конгрес у Чикаго так ше тераз готув исто так вельки конгрес а вон ше будзе отримовац у варошу Сидней у Австралії.

Смерт едного неприятелиа церкви

У французским вароши Родезу умар у 74 року познати народни посланик Лакомбе. Вон бул

вельки неприятелиа вири и церкви катол. Як началник варошу забраньовал процесіи и християнски школи. Вон виробел и закон против церковних удруженьох. Послїдни 2 роки чеж-

ко хоровал и Бог му дал кеди да роздумуе, и да ше кав за своєю недобри дїла. По мали вон видзел, же не добре робел, покаял ше, исповедал и умар як добри вирник.

Зос наших валалох

Шид

ГЛАВНА СХАДЗКА

На прешлорочним Главним Собранию Р. Н. П. Дружтва заключено, да ше тогорочне Собрание отримма у Шиду Ми ше тому радуеме, и ради зме цо лепше привитац наших гоцох и пріятелиах Рускеї Просвити Же би успех за Р. Н. П. Дружтво и заинтересоване за саму схадзку були цо векши, постановели зме дац на Преображеніе вечар забаву зос шпиваньом и представу, а нашо старане будзе и банкет, котри ше отримма по схадзки. Прето, же то першираз цо ше у Шиду отримуве схадзка, и треба так би повесц „пребивац ляд“, поволузме шицку нашу интелігенцію зос Бачкеї, да придзе у цо векшим числу, же би так и манифестация була цо лепша, а и сама схадзка окончела ше зос цо векшим успехом

Радо примеме на себе обовязок коло остараня за

место и друге цо у звязи зос схадзку.

З руским поздравом
Местни Одбор РНПД.

Козараз (Босна)

По барз горуцих дньох, у котрих цеплота доходзела до + 40° С, пришла на Босну в ноци з 18 на 19 юла страшна буря зос лядом и громами. Гром вдерел у Козарцу до гамбару нашого вирника Антона Пидручного. Гамбар бул наполнети зос ражом и пшеницу, котру газда вец позовожел з поля и шицко му згорело, не остало ані снопа Бидни человек зос б-цера малима дзецима остал без фалата хлеба! До истога гамбару вдерел му гром ище лоньского року, але теди бул празни и ніч не почкодзело. Настрадали человек будзе мушиц ходзиц до руских валалох у Бачкой модліц о помоц, прето модліме, да му ше не откаже, лем поможе од щирого шерца.

Допис

МАЛА - БЕРЕЗНА.

Од Ужгорода — па до самого верха Карпатох цага ше

красна долина, през котру чечеричка Уж (Унг). При жридлу рички стої месточко Ужок, цо

Читайце „Руски Новини“

и представиц (званично!)

— Дакле, Ви гледаце биване... почал качмар, як сом му потолковал о чим ше роби. Пошедаїме, па ше порадице. Медзи тим, я ше ище опитам жени, яку ми вона да пораду...

Наопако! — думал сом себе — ту на каждим крочаю акаш порада: мужове ше радза зос женами, а жени з мужама.

— Але не, предлужел качмар, Поме ми видзиц хижу (комнату).

— Скоро и не вредно, гварел я, бо незгодно переходзиц през карчму.

Видзел сом, же чкода време трациц, но несцел сом го баш уквиліц.

— Не хйба, же треба исц през карчму. Не идзе мне работа и так. Не барз ту дакого ест. Лем поце.

Требало дакле видзиц хижу. Хйжа була ище биднейша як качмар и його карчма и работа. Да ми плацел, не вжал бим ю.

— Дакле, як Вам ше видзи. Згодне биване. Ище я Вам ту шицко удесим, же будзе аш!

— Па, так прилично — гварел я, лем да повем гоч цо.

— А кельо би сце плацели? — питал ше качмар.

Па, кельо питац? — питал ше я.

Повед извисну суму, 200 чи 300 Динари.

— Ище я себе предумам — одвитовал сом.

— Слухайце, я Вам ю дам гоч задармо — гварел качмар. Ту ше можеце и костирац и, верце ми, добре Вам будзе шицко готовене. Верце ми, я не так да здзерам, туньо будзе.

— Уж я себе предумам — гварел я, лем да ше го ментуем.

Кед уж видзел, же сом на одходзе, и же з його биваня ніч не будзе, дал ми и вон пораду, же у теї улїци ест ище там и там биване. И ище надодал:

— Знайце, же шицки ми у теї улїци шорови людзе и шицки зме за злогу.

Дакле тиж качмар.

Пошол сом и на штварте место. Една стара жена богата, сама выдава биване од давна, мала уж на биваню енджеліра, судию и так далей, так ми гварели.

Думал сом, же то даяка пані, а то була земледїлка. Пол години сом ю мушел непрестанов слушац и за тото пол години виприведала ми цалу свою историю и историю свойого благопочившого мужа (котра була медзи тим досц обилна, бо бул пияница „шветска“.) Тиж розповедала ми о шоре у судзе и добре ме випитала, кадзи сом гледал биване.

После сом ище кус гледал биване и други дзень сом ше конечно умесцел. А з тим ше звершела и моя селїдба.

У дальшим времену вид-

зел сом пияци, обачовал сом як жени вожа гной на польо, а коч цагаю крави. Видзел сом дїдох и младших хлопох зос пипками и другима пипосарами у устох, у чижмох на ногох, гоч уж була цепла яр, опасаних зос фартухом. Спрец сом думал, же то тоти, цо маю опредз себе фартух майстрове, а вец сом видзел, же то з найвекшей часци земледїлци ноша фартухи, да шмату не валяю и не дру при работи. Амрел тиж кажди ма у руки, лем кед дакус почню дижджи рошиц, або кед ше хмари, а кед диждж пада, ритко мож видзиц старшого хлопца през амрела, да жени ані не споминам.

Видзел сом хйжи стари, старесеньки, котри созидали ище даяки давни прадїдове днешних их жительох, хйжи стари даяки 300 або озда и 400 роки.

Тиж сом видзел прекрасни, многочислени винїци у

добило мене од тей бреговеи рички.

Тоту далу доліну наставаю нашо Русини уж од тисяч роки и боря ше зос природу за свой насущни хлебик и не даю ше авладац вшеліяким прикросом, цо им обтерхую бремя живота. До Велькей Березни рошне покус ише и житко и кукурничка, але далей под верх Карпатох вше меней хранивей поживи, так же при верху уж лем овес, кромплі, капуста — дава насущни хлебик. Доля тих Русинох чежка. На Яна (Рождество Св. Крест) вишла з ужочкей древней церквочки, — збудованей 1754. —, процесія на швецене поля. А цо швецели? Желени овшик и кромплі. Па и при тей биди тримаю ше вони твардо своей св. вири и Церкви. Най Бог помага и далей.

На самим пасу Ужока лежа у малючким цинтору (теметове) у даскельох гробох, котри су

означени зос едноставним кржом без менох — до 5000. езри позабиванох катонаох, у чежких биткох, котри ше ту водзели у початку войны.

Вельо мацери оплакую своїх синох и не знаю, дзе почиваю свой вични сон, — а вони ето — очекую на ужочким пасу день воскресеня.

Вичная им память!

Смутне месточко, цо вицагне и слизу зос очох путника човека. Иншак живот господарски чежки, як и вшадзи по войны.

Народ може даяки грайцар стечиц лем зос статку, бо пашняци су красни. Зарно цо добию — то лем кед би було досц за поживлене. Того року ту падаю дижджи скоро кажди дзень, прето ше косидбу чека. Но трави су обилни, та голем щена будзе за жимовню статка, а то найважнейша господар. рубрика. Примце поздрав од М. М.

Зос Р. Н. П. Д.

Вероника Рац уч. ступела за мл. П. кл. до Р. Н. П. Д. и уплацела 50 дин.

Вшеліячина

НАЙСТАРША ГОДЗИНКА

У варошу Рій (Англія) находзи ше у турни найстарша годзинка на швецене. Ише зос року 1515. а идзе уж велі столітія совершенно. Нацагнуц ше лем муши 2 раз на дзень.

ГРАФ — КАЛАПАР

Мадярски граф Имре Андраши дал запалиц свою палату у ческим варошу Велати, бо чесска влада там намесцела катонацтво. Графа заварди але понеже дал кавцию од 700.000

брегох (гориче), зос ише крашима, милима стародавними хижками (клиети) у нїх, котри су радосц и погіха того краю.

А видзел сом и силни пажици, житородни поля и цемни, густі леси од ядповцох и дубох.

И помали ми тот нови швет поставал стари, як да сом го давно и давно познал. Човек и сам незна, як ше фришко ужие до нових обставинох и як ше фришко зрошне зос нову околину, гоч дзе го „пресадза“; бо конечно зроснуц ше муши.

Так сом на фришко забул на дубонь (гук, бука) варошки; на черчане коцох, автомобилох, трамвая; на гук и лярму; на масу людзох; роскош; гадваб и баршонь; шветло; музуку и писню. Обачел сом, же сом у валале. Ту цихота и мир. Скромносц. Човек чувствує умирене души... М. В.

ческих коруни, пуцели го а воц сцекнул до Будимпешту. Тераз ше чує, же ту купел одну фабрику калапох. Так Имре Андраши перши граф, котри вирабля калапи.

ДРАГОЦИНИ ВИНАХОДОК

Енджелір Адолф Еразмус винашол у крайох южней Африки вельки поклади драгоциного металу, цо ше вола платина. Понеже платина вельо драгша як злато то ше тераз велі котри маю украси зос платини боя, же платина страци вредносц.

ЧУДНИ СУД

Француски суд у варошу Антре у вдним процесу досудзел човекови право, же може набийц своєю жєну, кед би ей справованє було соблажнїве.

КОЛО ШВЕТА БЕЗ НОГОХ

Инвалид Жермен Перно, котри подчас войны страцел обидва ноги поеднал ше зос одну америцку фирму, котра му дала гумови ноги, же три раз обидзе з тима ногами швет за 6 роки и то пешо. На драгу ше рушел 1 януара 1924 р. и тераз уж путує на треци завод. Як награду достанє 40.000 долари.

Нашо претплатніци

На 1927. рок уплацели предплату слїдуюци п. п. Дюра Букатко Андриєвци 100 дин. Вероника Рац уч. Дюрдьов 100 дин. Янко Сабадош ст. Дюрдьов 50 дин. Дюра Киш Гали Дюрдьов 50 дин. Михал Балинт Дюрдьов 50 дин.

Шветочни отпочивок

Недзеля 7 по Сош.

Має. гл. 9. зач. 33.

Во время оно преходящу Исусови, по немъ идоста два слѣпца, зовуща и глаголюща: помилуй ны, Исусе Сыне Давидовъ. Пришедшу же ему въ домъ, приступиста къ нему слѣпца, и глагола има Исусъ: вѣруета ли, яко могу сіє сотворити; глаголаста ему: ей, Господи. Тогда прикоснуся очію ихъ, глаголя: по вѣрѣ ваю буди вама. И отверзостася очи има: и запрети има Исусъ, глаголя: блюдита, да никтоже увѣсть. Она же изшедша прославила его по всей земли той. Тѣма же исходящема, се приведоша къ нему человекѣа нѣма, бѣснуема. И изгнану вѣсу, проглагола нѣмыи: и дивящася народи, глаголюще, яко николиже явися тако во Израили. Фарисее же глаголаху: о князь бѣсовстѣмъ изгонитъ бѣсы. И прохоща Исусъ грады вся и веси, уча на снмищахъ ихъ, и проповѣдая евангеліе царствія, и цѣля всякъ недугъ и всяку язю въ людехъ.

Христос цар т. е. краль шицкого створеня, бо по нїм „вся биша“; т. е. по нїм Очей мудроси и Слову шицко постало цо год вст. Прето и ми подложни Христу Богу як Царю нашому.

Но ми ше не повинувме Христу Бобу — пре силу, але зос шлебодну волю и з любовию гу Ньому. Як цо и Христос Господ влада з нами зос любовию и добротоу, бо нас ошлебодзує од злох того швета, як цо вишлебодзел и шлепих, о котрих гутори св. евангелія. Ошлебодзує од власци пекла и приноши нам шлебоду дзєцох божих, и не наруцує на нас чежке бремя и ярем, але нас крипи небесним благом, вири надежди любви — прето и ми дзєчне повинувме ше Його Власци, и нїгда не кричїме як обшєднуги, о котрим бешєда у св. писму и з нїма шицки безбожники: Цо нам до Тебе Христе, — але приходзїме гу Ньому и ставайме под Його божествені царски скептар и патримє на Його божєств. Шерцо цо воно од нас сє и жада. Ми сцєме да Христос будзе наш Цар, бо Вон, то воистину и вст, як человек и Бог!

Богу ше повиновац муши кажде створене: Як видзїме з евангеліи ише и прокляте нечїсте, бїсне. Прето, же Бог так сє, муша ше и поедини и цали держави повиновац и слушац.

Нїкто не шме у своїм мену и сили розказовац, лем у мену

божим, же то Бог так сє. И держави муша слушац Христа и повиновац ше Його закону, и чежко тей держави, хтора не сє тримац Його закон и рube на нь го и одрека ше го. Така держава муши препаднуц, бо ше буні процив свойого Паца, котрого Царство вичне. При Благовищєнїю Пр. Богородици гварєр Архангел Гавриил: „И Царствію Его не будет конца Христос остане на вики вше краль шицкого створеня. Вон то и сам при своей кончини на судзе пред Пилатом потвєрдзел: Кед Го питал Прилат: „Цар ли вси Ти“?, одвитовал: „Ти глаголєши, яко цар есм аз“, т. е. добре гуториш, бо я воистину цар, т. е. краль шицкого створеня, котрому ше не лем людзе, але и сами биси повиновац муша. Но док вони то робя од страху, дотля ми як добри дзєци, робимє з любовию и шлебодну волю.

Ми не отганяме Христа од себе, як цо фарисее, кед гуторолє, же з помоцу дїаволску виганя биси але ше притулюєме Гу ньому и прєславимє го „по всей земли той“. Благодарни будамє як и тоті слїпи.

Мих. Мудри.

Припослано*

Канада Онт 1927. VII/2.

Долу подписани оглашувм заинтересованим, же моя жена Павлина Іоана Хромиш родзена Киш зос Коцура мойо обисце и дзєци охабєла, и зато за ню далей нєродговарам. Нїкто най ей не жича пенєж або друге дацо зос тарговинох на борк на мой капитал бо за ню не виплацим. И тоти ствари цо ей мужа своїна як машина и т. д. предац нема право.

Споштованьом
Іоан С. Хромиш
зос Коцура.

* За статї под таким насловом редакція не одвитує.

Тарговина

Жито	302.— Д
Кукурица	185.— „
Хмель	10—11.000 „
Мука нулерова	435.— „
„ хлебова	400.— „
Млеко литра	3—4.— „
Качки	35—60.— „
Гуски клюкани кг.	65—90.— „
Говєдзина	16—20.— „
Швиньске месо	20—22.— „
Цєлвчина	28—30.— „
Сланїна сушена	22—25.— „